

Congregationis Oratorii Beate Mariæ Gratiarum eidem Congregationi Oratorii Domini Nostri Jesu Christi cum omnibus privilegiis, gratis, facultatibus, & Indulgentiis hujusmodi per dictum Petrum Cardinalem, ut præfertur factas, dummodo tamen privilegia, facultates, gratiæ, & indulta hujusmodi sint in usu, & non sint revocata, neque sub aliquibus revocationibus comprehensa, sacrisque Canonibus, & Concilii Tridentini Decretis, ac Constitutionibus Apostolicis non adversentur, apostolica auctoritate tenore præsentium approbamus, & confirmamus, illisque inviolabilis apostolicæ firmitatis robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus.

Clausula.

§.5. Decernentes unionem, annexionem, & incorporationem hujusmodi necnon præsentem Literas semper validas, firmas, & efficaces existere, & fore, suosque plenarios, & integros effectus sortiri, & obtinere, ac dictæ Congregationis Oratorii Beate Mariæ Gratiarum in omnibus, & per omnia plenissime suffragari; Sicque per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Obstantium derogatio.

§.6. Non obstantibus Constitutionibus, & Ordinationibus Apostolicis, necnon Congregationum prædictarum, etiam Juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 3. Augusti 1628. An.V.

Datum Romæ apud Sanctam Mariam Majorem sub Annulo Piscatoris, die tertia Augusti 1628. Pontificatus nostri Anno Quinto.

Quod Fratres Cappuccini Ordinis S. Francisci ad laxiorem Ordinem sine Sedis Apostolicæ, ad Carthusiensem vero, sine Ministri generalis licentia de cætero non transeant.

His Fratribus ut Crucem propriam in Processionibus deferre possint. Indulsi Paulus V. in Const. CCLXXIX. Pastoralis. Tom.V. Par. IV. fol. 244. Et uberius habes in Clementis VII. Const. XXIV. Religionis T. IV. Par. I. fol. 73. Transsum quoque a Fratribus Cappuccinis ad FF. Minimos S. Francisci de Paula, & e contra prohibuerat Pius V. Const. LXVI. Sedis. Tom. IV. P. II. fol. 399.

URBANUS PAPA VIII.

Ad perpetuam rei memoriam.

Injuncti Nobis Apostolici muneris ratio postulat, ut Religiosorum virorum, qui, spretis hujus sæculi vanitatibus, divini numinis obsequiis, sub suavi religionis jugo, & strictioris observantiæ regulis, sese manciparunt, paternam curam gerentes, in his ejusdem muneris partes sedulo intendamus, per quæ proficere, felicique eorum statui, & directioni opportune consulatur, prout conspiciamus in Domino salubriter expedire.

Exordium.

§.1. Cum itaque, sicut dilectus filius Procurator generalis Fratrum Ordinis Minorum S. Francisci, Cappuccinorum nuncupatorum, Nobis nuper exponi fecit, nonnulli dicti Ordinis Religiosi, nulla desuper ab Apostolica Sede, vel Superioribus suis obtenta licentia, ad alios Ordines, seu Congregationes se transferre posse prætendant, & prætant, non sine gravi regularis disciplinæ observantiæ detrimento, dictique Ordinis inquietudine.

Quia multi hujus Ordinis Fratres ad alios Ordines se transferre posse prætendunt.

§.2. Nos pro nostri Pastoralis officii debito præmissis, quantum Nobis ex alto conceditur, obviam ire, prosperoque ipsius Ordinis statui, & quieti consulere volentes, supplicationibus dicti Procuratoris generalis nomine Nobis super hoc humiliter porrectis inclinati. Ne de cætero perpetuis futuris temporibus ullus dicti Ordinis Religiosus ad laxiorem absque speciali nostra, & Sedis Apostolicæ, ad Carthusiensem vero, seu quemcumque alium Ordinem, vel Congregationem, nisi de Ministri generalis pro tempore existentis dicti Ordinis licentia in scriptis obtinen. quovis prætextu, aut ex quavis quantumvis justa, legitima, & privilegiata causa, sub apostolicæ, & infamiae perpetuæ nota, necnon excommunicacionis, ac privationis vocis activæ, & passivæ poenis ipso facto absque ulla declaratione, incurrendis transire quoquomodo audeat, seu præsumat, apostolica auctoritate, tenore præsentium, interdiciamus, & prohibemus.

Pontifex ad laxiorem Ordinem sine Sedis Apostolicæ, ad Carthusiensem vero sine Ministri generalis licentia scripta d. transicum interdicit.

§.3. Decernentes, præsentem literas semper, & perpetuo validas, firmas, & efficaces

Decretum præservati vani addit.

ces existere, & fore, suosque plenarios, & integros effectus sortiri, & obtinere. ac ab omnibus, ad quos spectat, & in futurum spectabit, inviolabiliter observari.

Ita judicari præcipit.

§.4. Sicque, & non aliter in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

Contrariis derogat.

§.5. Non obstantibus Constitutionibus, & Ordinationibus Apostolicis, necnon præfatorum, ac quorumvis aliorum Ordinum, & Congregationum, etiam juramento, confirmatione apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis apostolicis eidem Ordinibus, & Congregationibus, illorumque Superioribus, & personis sub quibuscumque tenoribus, & formis, ac cum quibuscumque clausulis, & decretis, in contrarium quomodolibet concessis, confirmatis, & innovatis. Quibus omnibus, & singulis, eorum tenores, præsentibus pro expressis habentes, illis aliis in suo robore permanentibus, hac vice dumtaxat, specialiter & expresse derogamus, ceterisque contrariis quibuscumque.

Transumptis redi mada.

§.6. Volumus autem, quod præsentium transumptis, etiam impressis, manu alicujus Notarii publici subscriptis, & sigillo alicujus personæ in dignitate ecclesiastica constitutæ munitis, eadem prorsus fides ubique adhibeatur, quæ ipsis præsentibus adhibetur, si forent exhibita, vel offensa.

Dat. die 9. Augusti 1628. An.VI.

Datum Romæ apud Sanctam Mariam Majorem, sub annulo Piscatoris, die 9. Augusti, millesimo sexcentesimo vigesimo octavo, Pontificatus nostri Anno VI.

CCLXXIV.

Ex Regest. in Secret. Brevo.

Commissio Cardinalibus Millino, & Cremonensi ad procedendum contra Cyrillum Pseudo-Patriarcam Constantinopolitanum.

Dilectis filiis nostris Joanni Garzia S. Laurentii in Lucina Millino, & Desiderio Sancti Caroli, titulum Præbyteris Cardinalibus Cremonen. nuncupatis.

URBANUS PAPA OCTAVUS

Dilecti filii nostri, salutem, & apostolicam benedictionem.

Contra Cyrillum Pseudo-Pat. in hæreses prolapsus

§.1. Cum, sicut Nos, non sine gravi animi nostri molestia, etiam famæ publicæ infinuante, accepimus iniquitatis Filium Cyrillum Pro-Patriarca Constantinopolitano se gerens in hæreses, & schismata turpissime lapsus sit, ac alios in eisdem hæreses, & schismata trahat, & trahere audeat, ac etiam varios alios excessus, ac enormia crimina, & delicta in processu causa deducenda, ausu nefario perpetraverit, ac in dies committere non veretur;

§.2. Nos, ne tanta delicta impunita remaneant, præmissaque omnia, & singula, ac alia quæcumque pro expressis habentes, causam, & causas excessuum, criminum, & delictorum hujusmodi, prout justitia postulat, cognosci, & quamprimum terminari, ipsumque Cyrillum debitis poenis puniri volentes; ac de singulari vestra, & cujuslibet vestrorum pietate, prudentia, doctrina, integritate, & religionis zelo plurimum in Domino confisi, vobis, & cuilibet vestrum, tam conjunctim, quam divisim, causam, & causas declarationis, & punitionis hæresum, & schismatum, necnon criminum, excessuum, & delictorum hujusmodi per dictum Cyrillum, ut præfertur, ac aliis quomodolibet commissorum, cum omnibus, & singulis earum incident., dependent., emergent., annexis, & connexis, totoque negotio principali summarie, simpliciter, & de plano, ac sine strepitu, & figura judicii, ac sola facti veritate inspecta audiendas, cognoscendas, & sine debito, prout juris fuerit, tam in Congregatione generali sancti Officii, & in præsentia nostra, quam extra eam, ac cum omnibus, & singulis facultatibus eidem Congregationi, ac Cardinalibus ejusdem Congregationis, quomodolibet concessis, & competentibus, omni, & quacumque appellatione, ac restitutione in integrum, recurso, ac nullitatis dictione, penitus, ac omnino rejectis, & remotis, terminandas, & decidendas, apostolica auctoritate, tenore præsentium, committimus, & demandamus;

Procedendi commissio Cardinalibus Millino, & Cremonen. data.

§.3. Dantes vobis, & cuilibet vestrum plenam, liberam, & amplam facultatem, unam, seu plures personas ecclesiasticas, vobis beneficas, ad præmissa omnia, & singula subdelegandi, ac etiam ad instantiam Procuratoris fiscalis generalis dicti Officii SS. Inquisitionis, & forsitan aliorum illi adherentium, quam ex officio, & etiam de notorio contra dictum Cyrillum, & alios quoscumque hæresum, & schismatum, ac criminum, excessuum, & delictorum hujusmodi complices, & fautores, auxiliumque, & consilium præstantes, & usque ad sententiam definitivam inclusive procedendi, privationis, & quascumque alias, etiam corporis afflictivas poenas irrogandi, declarandi, & exequendi; illosque omnes, & singulos, si justitia postulaverit, curia seculari tradendi, quos opus fuerit, etiam ultra decem, ac quibus, ubi, quando, & quoties opus fuerit, citandi, & inhibendi, etiam per edictum publicum, consilio etiam summarie, & quantum sufficere videbitur, de non tuto accessu, ac sub censuris, & poenis, etiam ecclesiasticis, vobis, & eorum alteri, seu, ut præfertur, deputan. beneficas: contradictores quoslibet, & rebelles, ac præmissis non parentes, in censuras, & poenas ecclesiasticas prædictas incidisse, declaran., aggravan., reaggravan., interdicens, auxiliumque brachii secularis invocan., aliaque omnia, & singula in præmissis, & circa

Cum facultatibus necessariis.

ea necessaria quomodolibet, & opportuna, etiam si talia sint, vel fuerint, quae magis specialem, specificam, & expressam requirerent mentionem faciendi, dicendi, gerendi, & exequendi.

Derogatio contrariorum

§.4. Non obstantibus, quatenus opus sit, sel. rec. Bonifacii Papae VIII. Praedecessoris nostri, de una, & in concilio generali edita, de duabus dietis, dummodo ultra tres dietas aliquis, auctoritate praesentium ad iudicium non trahatur, aliisque Constitutionibus, & Ordinationibus Apostolicis, etiam in Conciliis generalibus, vel provincialibus editis, privilegiis quoque, indultis, & literis apost. in contrarium praemissorum quomodolibet concessis, confirmatis, approbatis, & innovatis; quibus omnibus, & singulis, eorum tenores praesentibus pro plene, & sufficienter expressis, & ad verbum insertis habentes, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Dat. die 19 Augusti 1628. An. VI.

Datum Romae apud Sanctam Mariam Majorem sub Annulo Piscatoris, die 19. Augusti 1628., Pontificatus nostri Anno Sexto.

CCLXXV.

Ex Regis in Secretis Erev.

Subsidium ab Ecclesiasticis Siciliae Regi pecuniarium permittit subministrari.

Venerabili fratri Archiepiscopo Panormitano.

URBANUS PAPA VIII.

Ven. Frater salutem, & apostolicam benedictionem.

Oblato per status Regni Siciliae quodam subsidio Regi

§.1. Exponi Nobis nuper fecit Charissimus in Christo filius noster Philippus Hispaniarum Rex Catholicus, quod cum dilecti filii tres hominum status, seu tria brachia, Ecclesiasticum, Militare, & Demaniale nuncupata Regni Siciliae, ultra Pharam, cujus ipse Philippus Rex existit, quibusdam rationabilibus de causis eorum animos moventibus de offerendo eidem Philippo Regi, ac quondam Henrico Primentel Marchioni de Tovorae, tunc ejusdem Regni Proregi certas pecuniarum summas, donativa nuncupatas ad triennium, ac sub certis terminis, ac modo, & forma exigendis, inter se tractaverint, Venerabiles fratres, Archiepiscopi, Episcopi, ac dilecti filii Archimandrita, & aliae personae ecclesiasticae dicti Regni certam ratam sponte sua obtulerunt, & dare statuerunt in parlamenti ordinariis habitis de anno proximo praeterito 1627. Ipsique Archiepiscopi, Episcopi, Archimandrita, & aliae ecclesiasticae personae eorum ratam hujusmodi, accedente ad hoc nostro, & Sedis Apostolicae beneplacito, persolvere obtulerunt, & forsitan etiam persolverunt.

Illis accedere statuit Ecclesiastici.

Quod cum forsitan Regii jam accepissent Ministri

§.2. Cum autem, sicut eadem expositio subjungebat, ex eo, quod per Lateranen. Concilium, novissime celebratum, diver-

sasque alias canonicas sanctiones sub certis censuris, & poenis caveatur expresse, ne Reges, Principes, & alii Potentatus ab Archiepiscopis, Episcopis, Abbatibus, & aliis personis ecclesiasticis, etiam sponte offerentibus, aliquam pecuniarum summam, sive subventionem recipiant, dictus Philippus Rex, ac ejus Regni illius Ministri, necnon Dilectus filius Nobilis vir Franciscus Fernandez dela Cueva Dux de Albuquerque modernus dicti Regni Prorex, dubitent, ratam praedictam ante obtentum beneplacitum apostolicum recipiendo, censuras, & poenas praedictas incurrere, & forsitan incurrisse, ac Nobis propterea dictus Philippus Rex humiliter supplicari fecerit, pro sua ac dictorum Ministrorum, ac Francisci Ducis, & Proregis conscientiae quiete, quatenus praemissis nostram, & hujus Sanctae Sedis auctoritatem interponere dignaremur.

Urbanus Archiepisc. Panormitano dat in mandatis ut permittat, & ecclesiasticos ad id cogat.

§.3. Nos hujusmodi supplicationibus inclinati, fraternitati tuae per praesentes committimus, & mandamus, ut constituto tibi per legitimas probationes de expresso majoris partis Archiepiscoporum, Episcoporum, & aliarum personarum ecclesiasticarum dicti Regni consensu, & quod reliqui, & reliquae vocati, & vocatae fuerint obligationi, & forsitan promissioni, necnon solutioni per Archiepiscopos, Episcopos, & Archimandritam, ac alias Ecclesiasticas personas factis pro hac vice tantum nostram, & Sedis praedictae auctoritatem interponas per praesentes, ipsosque Archiepiscopos, Episcopos, & alias personas ecclesiasticas hujusmodi, etiam si sint de illis, quae pro minori Cleri parte praemissis non consenserint, ad ea tamen vocati, & vocatae fuerint, ad solutionem eorumdem ratae hujusmodi opportunis juris, & facti remediis cogas, & compellas; & nihilominus Archiepiscopis, Episcopis, & Archimandrita, ac aliis ecclesiasticis personis praedictis, ut ratam hujusmodi per eos, ut praefertur, oblatam, & promissam, persolvere, ac dictus Philippus Rex, & ejus Ministri dictusque Franciscus Dux, & Prorex, eam petere, & recipere, absque conscientiae scrupulo, seu censurarum, & poenarum praedictarum incursum libere, & licite valeant, auctoritate nostra, concedas, & indulgeas.

Et quatenus adpromissam ratam jam persolverint, dantes, recipientesque a censuris absolvat.

§.4. Ipsosque Archiepiscopos, Episcopos, & Archimandritam, ac alias personas ecclesiasticas, & earum singulas, quatenus ipsi dictam ratam jam promiserint, aut solverint, necnon eundem Philippum Regem, ejusque Ministros, ac Franciscum Ducem, & Proregem praedictos, si eandem ratam jam perceperint, ab omnibus, & singulis censuris, & poenis propterea quomodolibet incursum, eadem auctoritate absolvas, & absolutos fore censeas, & declares.

Et pensionarios quoque comprehendit.

§.5. Et quod omnes, & singuli pensionarii, seu ii, quibus loco pensionum fructus, in totum, vel in partem reservati existunt, cujuscumque dignitatis, vel conditionis sint, exceptis tamen S. R. E. Cardinalibus, ad hujusmodi ratae solutionem in omnibus, & per omnia, perinde ac si nominatim ratam

eam-

eandem se soluturos obtulissent clausulis, & decretis in Literis Apostolicis reservationum pensionum, & fructuum hujusmodi, etiam consistorialiter appositis, & quod dictae pensiones ab omni decima, subsidio charitativo, & quovis alio onere, tam ordinario, quam extraordinario, quavis auctoritate, etiam pro expeditione, tam offensiva, quam defensiva contra Turcas, & alios infideles, ac Reipublicae Christianae hostes, ab illorum conatibus defensione, seu inexcogitabili causa a Romano Pontifice pro tempore existente, etiam ad Imperatoris, Regum, Ducum, & aliorum instantiam, illorumque contemplationem, & intuitum, etiam motu proprio, & ex certa scientia, impositis, & imponendis, aut alias qualitercumque exemptae sint, nequaquam obstant, teneantur, & efficaciter obstricti sint, ipsique Archiepiscopi, Episcopi, & Archimandrita, & aliae personae, quarum Ecclesia, Monasteria, & alia Beneficia ecclesiastica annuis pensionibus, auctoritate apostolica assignatis, gravata, & onerata sint, ratam pensionarium suorum, seu eorum, quibus fructus hujusmodi sunt reservati, solve- re, & illud, quod pro ipsis pensionariis, seu iis, quibus fructus hujusmodi sunt reservati, vere, & realiter, ac quacumque fictione cessante, persolverint sua propria auctoritate, postmodum penes se retinere possint, nec propterea sententias, censuras, & poenas in eisdem pensionum reservationibus contentas incurrant, eadem auctoritate decernas.

Derogat contrariis.

§.6. Non obstantibus praemissis, ac quibusvis Constitutionibus, & Ordinationibus Apostolicis, nec non Ecclesiarum, Monasteriorum, & Beneficiorum hujusmodi, etiam Juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, Indultis, exemptionibus, immunitatibus, etiam in corpore juris clausis, ac Literis Apostolicis, quibusvis generaliter, vel specialiter concessis, necnon Literis reservationum pensionum, & fructuum hujusmodi, ac quibusvis obligationibus, etiam in forma Camerae etiam cum Juramento, & censuris, ac mandati executivi susceptione, vel alias desuper facti, etiam si de illis eorumque totis tenoribus de verbo ad verbum mentio, seu quaevis alia expressio habenda sit, & in eis caveatur expresse, quod per hujusmodi Clausulas generales etiam mentionem specialem importantes, eis derogatum esse non censeatur, aut derogari non videatur, nisi certis modo, & forma in illis expressis, plene observatis: Quibus omnibus eorum tenores praesentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Pauperes Ecclesiasticos exceptit.

§.7. Ceterum volentes providere, ne pauperes ecclesiastici ad contributionem hujusmodi graventur, hortamur te attente, ac in virtute sanctae obedientiae tibi mandamus, quatenus pauperes ecclesiasticos, qui in redditibus annuis nihil aut parum, etiam usque ad valorem decem unciarum, scuta

viginti quinque monetae illius Regni constituen. inclusive habent, ad contributionem praedictam per quoscumque, quavis auctoritate fungentes cogi, aut compelli nullo modo permittas.

Exactionem a solis fieri jubet ecclesiasticis;

§.8. Volumusque, quod exactio pecuniarum hujusmodi ab ecclesiasticis, per personas ecclesiasticas a dicto Philippo Rege, seu Francisco Duce, & Prorege nominandis, & per te deputandis, fieri debeat, invocato etiam ad hoc, si opus fuerit, auxilio brachii secularis; quod si secus in aliquo praemissorum factum fuerit, qui contraverint, in poenas, & censuras incurrant, perinde ac si praesentes Literae non emanassent.

Praesentibus transumptis credit.

§.9. Quodque etiam praesentium transumptis etiam impressis manu alicujus Notarii publici subscriptis, & sigillo alicujus personae in dignitate ecclesiastica constitutae munitis, eadem prorsus fides in iudicio, & extra, in omnibus, & per omnia adhibeatur, quae ipsis praesentibus adhiberetur, si forent exhibitae, vel ostense.

Dat. die 21. Augusti 1628. An. VI.

Datum Romae apud S. Mariam Majorem sub Annulo Piscatoris die vigesima prima Augusti 1628. Pontificatus nostri Anno VI.

CCLXXVI.

Concedit Domum, & Ecclesiam Sanctae Mariae in Sancto Joannino in Capite de Urbe Fratibus Reformatis Ordinis Beatae Mariae de Mercede Redemptionis Captivorum.

Istorum Fratrum privilegia confirmavit hic Pont. Const. CCLXXXVII. Ex clementi. fol. 150. Dedit eis facultatem erigendi Hospitium in partibus Asiae Const. CCXLVII. Inter caetera. ibid. fol. 88.

URBANUS PAPA VIII.

Ad futuram rei memoriam.

Cum sicut dilectus filius Didacus de Sancto Raymundo Procurator Generalis Fratrum Reformatorum nuncupatorum Ordinis Beatae Mariae de Mercede Redemptionis Captivorum Congregationis Hispaniarum, Nobis nuper exponi fecit, alias dilectae in Christo filiae Abbatis, & Moniales Monasterii Sancti Silvestri in Capite de Urbe usum Ecclesiae, & domus Sanctae Mariae in Sancto Joannino nuncupatae in Regione Columnae, sub proprietate dicti Monasterii, & apud illius viridarium existentibus Fratibus praefatis, reservato nostro, & Sedis Apostolicae beneplacito concesserint, prout plenius continetur in publico Instrumento desuper confecto, tenoris qui sequitur: videlicet. In Nomine Domini &c. sub die 10. Augusti 1627. per acta Marci Angeli Cefii Not. Eminentissimi Vicarii: cupiat autem dictus Didacus praemissa pro illorum validitate, & subsistentia apostolicae nostrae confirmationis robore communiri, & alias

Motiva hujus Constituit.

desuper, ut infra, per Nos opportune provi-
deri.

Concedit ut
in Rubrica.

§.1. Nos Didacum, & Fratres prædi-
ctos specialibus favoribus, & gratis profe-
qui volentes, eorumque singulares perso-
nas a quibusvis excommunicationis, suspen-
sionis, & interdicti, aliisque Ecclesiasticis
sententiis, censuris, & pœnis, a jure, vel ab
homine quavis occasione, vel causa latis, si
quibus quomodolibet innodata existunt, ad
effectum præsentium dumtaxat consequen-
dum harum ferie absolventes, & absolutas
fore censentes, supplicationibus dicti Didaci
nomine Nobis, super hoc humiliter por-
rectis, inclinati, de Venerabilium fratrum,
Episcoporum, ac dilectorum filiorum Præ-
latorum Congregationis Visitationis Apo-
stolicæ aliis per Nos indictæ consilio conce-
sionem usus dictæ Ecclesiæ Fratribus præ-
fatis, ut supra factam, ac desuper confe-
ctum præfatum Instrumentum hujusmodi
cum omnibus, & quibuscumque in eo con-
tentis, apostolica auctoritate, tenore præsen-
tium perpetuo approbamus, & confirmamus,
illisque inviolabilis apostolicæ firmi-
tatis robur adiciamus, ac omnes, & singu-
los, tam juris, quam facti defectus, si qui
desuper quomodolibet intervenerint, sup-
plemus.

Conventiones
in Instrumen-
to expresse
observandæ.

§.2. Et nihilominus pro potiori cautela,
& ad minuendum dicti Monasterii S. Silve-
stri sumptus, eidem Fratribus usum Eccle-
siæ, & Domus Sanctæ Mariæ in Sancto Jo-
annino hujusmodi ad dictum Monasterium, ut
præfertur, spectantium, cujusque sumpti-
bus de præfenti, ut asseritur, gubernatur,
cum pactis, & conventionibus in præferto
Instrumento hujusmodi contentis, & ex-
pressis.

§.3. Et ulterius, quod Fratres prædicti
tam præfentes, quam futuri, fabricam dic-
tæ Ecclesiæ Sanctæ Mariæ, ejusque Mona-
sterium altius erigere, sive ejusdem Eccle-
siæ faciem, invitis Abbatis, & Monialibus
prædictis, immutare non possint, nec valeant,
auctoritate, & tenore prædictis perpetuo
concedimus, & assignamus.

Decretum ir-
ritans.

§.4. Decernentes præmissa omnia, nec-
non præfentes Literas perpetuo valida, fir-
ma, & efficacia esse, & fore, suosque plena-
rios, & integros effectus sortiri, & obtine-
re, & ab iis, ad quos spectat, & in futurum
spectabit, inviolabiliter observari: atque ita
per quoscumque Judices ordinarios, & dele-
gatos, etiam causarum Palatii Apostolici
Auditores judicari, & definiri debere, ac ir-
ritum, & inane quicquid secus super his a
quoquam, quavis auctoritate scienter, vel
ignoranter contigerit attentari.

Derogatio
contractionum

§.5. Non obstantibus Constitutionibus,
& Ordinationibus Apostolicis, ac quatenus
opus sit, Monasterii, & Ordinis prædicti,
etiam juramento, confirmatione apostoli-
ca, vel quavis firmitate alia roboratis statu-
tis, & consuetudinibus, privilegiis quoque,
indultis, & Literis Apostolicis in contra-
rium præmissorum, quomodolibet concessis,
confirmatis, & innovatis: quodque bene-
placitum nostrum hujusmodi juxta pactum

cum Abbatis, & Monialibus prædictis ini-
tium de illud obtinendo infra tres menses, ut
præfertur, obtentum non sit, cæterisque
contrariis quibuscumque: quibus omnibus,
& singulis, illorum tenores præsentibus pro
plene, & sufficienter expressis habentes, illis
aliis in suo robore permanfuris, hac vice,
dumtaxat specialiter, & expresse derogamus.

Cautela redi-
mendi Eccle-
siam.

§.6. Volumus autem, quod Fratres præ-
dicti, si, & postquam pro parte dilectorum
filiorum Deputatorum dicti Monasterii, seu
majoris partis illorum, aut per Episcopos,
& Prælatos Congregationis Visitationis præ-
dictæ ad hoc fuerint requisiti, dictam an-
aam responsionem scutorum sexaginta, so-
luti scuti bis mille, redimere teneantur,
qua redemptione sequuta, Ecclesia, & do-
mus hujusmodi ad Fratres prædictos pleno
jure spectet, & pertineat: & nihilominus in
casu redemptionis hujusmodi Ecclesia, &
domus, ad Monasterium deputata, seu depu-
tandæ, Monialibus invitis, ac nisi prævia
dilecti filii nostri in alma Urbe Vicarii in
spiritualibus Generalis, licentia, altius erigi
non possint.

Depositum pè
cunctis facien-
di penes Mon-
tem Pietatis.

§.7. Quodque scuta bis mille prædicta
deponi debeant penes Montem Pietatis de
Urbe ad effectum, ut pro concurrenti quan-
titate tot ipsius Monasterii Sancti Silvestri
debita, prævio mandato, ab ejusdem Mona-
sterii Abbatis, & Vicario nostro prædi-
cto, sive ejus Vicegerente pro tempore
existente, subscribendo, extinguantur.

Dat. die 21.
Augusti 1628.
An. VI.

Datum Romæ apud S. Mariam Major-
em, sub Annulo Piscatoris die vigesima-
prima Augusti 1628. Pontificatus nostri
Anno VI.

M. Antonius Maraldus.

Loco * Annuli Piscatoris.

CCLXXVII.

Deputatio Cardinalis Sancti Honuphrii in
Præfidei visitationis Ecclesiarum, &
Piorum Locorum Urbis.

Ex Regest. in
Secret. Brev.

Dilecto filio nostro Antonio tituli Sancti Ho-
nuphrii Presbytero Cardinali nostro
secundum carnem fratri
germano Barberino.

URBANUS PAPA VIII.

Dilecte fili noster, salutem, & apostolicam
benedictionem.

Singularia circumspectionis tuæ in Nos,
& hanc Sanctam Sedem fidei, & devo-
tionis merita, aliaque multiplicia insignium
virtutum dona, quibus te a Domino insig-
nitum jugiter experimur, Nos inducunt,
ut Te rei, quæ Nobis maxime cordi est, ad-
ministrandæ libenter præficiamus, firma spe
in Domino freti, Te in ea functione, juxta
datam tibi a Domino prudentiam, desiderio
nostro cumulate satisfactorum.

Card. S. Ho-
nuphrii cle-
gium.

Cum

CCLXXVIII.

Indictæ Eccle-
siarum, & Pio-
rum locorum
visitationi

§.1. Cum itaque pridem ad exequendum
visitationis Ecclesiarum, & Piorum Loco-
rum, eorumque personarum hujus Almæ
Urbis nostræ per Nos indictæ munus, non-
nullos Venerabiles Fratres Archiepiscopos,
Episcopos, & alios Romanæ Curie Præla-
tos, nominatim delegerimus, Nos ut visita-
tio prædicta feliciori, qua fieri potest, ra-
tione peragatur, providere volentes; Motu pro-
prio, non ad Tuam, vel alterius pro Te,
Nobis super hoc oblate petitionis instan-
tiam, sed ex certa scientia, ac matura de-
liberatione nostris, deque apostolice pote-
statis plenitudine, Te visitationis prædictæ
Præfidentem cum omnibus, & singulis privi-
legiis, auctoritate, jurisdictione, aliis-
que gratis, & indultis similibus Præfiden-
tibus de jure, usu, & statuto, consuetudi-
ne, privilegio, vel aliis quomodolibet
competentibus, & competituris, tenore præ-
sentium facimus, constituimus, & depu-
tamus cum facultate, omnia, & singula de-
creta per dictæ visitationis Prælatos, pro
tempore facta, juxta rei, & casus exigen-
tiam debite executioni demandandi, seu
demandari faciendi; Contradictores quos-
libet, & præmissis non parentes per senten-
tias, censuras, & pœnas ecclesiasticas, alia-
que opportuna jure, & facti remedia, ap-
pellatione postposita compescendo, cæte-
raque omnia, & singula in præmissis, &
circa ea necessaria, seu quomodolibet op-
portuna, etiam si talia sint, vel fuerint, que
magis specialem, specificam, & expressam
requirerent mentionem faciendi, dicendi,
gerendi, & exequendi, invocato etiam ad
hoc, si opus fuerit, auxilio brachii secu-
laris.

Mandatum de
pascendo.

§.2. Mandantes propterea in virtute
sanctæ obediencie, ac sub indignationis no-
stræ, aliisque arbitrii nostri pœnis prædictæ
visitationis Prælati, ceterisque omnibus,
& singulis, ad quos spectat, & pro tempo-
re quomodolibet spectabit, ut Te in visita-
tionis hujusmodi Præfidentem devote susci-
pientes, & debita honorificentia prosequen-
tes, tuis monitis, & mandatis salubribus
humiliter intendant, eaque efficaciter adim-
plere procurent, aliaque sententiam, sive
pœnam, quam rite tuleris, seu statueris in
rebelles ratam habebimus, & faciemus au-
ctore Domino, usque ad satisfactionem coad-
iguam, inviolabiliter observari.

Derogatio
contractionum

§.3. Non obstantibus Constitutionibus,
& Ordinationibus Apostolicis, ac omnibus
illis, que in Literis indictionis hujusmodi
voluimus non ob stare, cæterisque contra-
riis quibuscumque.

Dat. die 6.
Septembris 1628.
An. VI.

Datum Romæ apud S. Mariam Major-
em sub Annulo Piscatoris, die 6. Septem-
bris 1628. Pontificatus nostri Anno VI.

Extensio Indulti recitandi Officium, & cele-
brandi Missam de viginti tribus Martyri-
bus ex Ordine Minorum Sancti Francisci
Discalceatorum ad alias ecclesiasticas, &
seculares personas.

De hujusmodi Martyribus lege Constit. 238.
Salvatoris. ut supr. fol. 81.

URBANUS PAPA VIII.

Ad perpetuam rei memoriam.

Alis pro parte dilecti filii Petri Baptiste
Procuratoris Ordinis Fratrum Mino-
rum Sancti Francisci de Observantia Discal-
ceatorum nuncupatorum Provincia Sancti
Georgii Philippinarum, & Japoniæ, Nobis
exposito, quod Venerabiles Fratres nostri
Sanctæ Romanæ Ecclesiæ Cardinales, Sacris
Ritibus Præpositi, in causa Canonizationis
viginti trium Martyrum, videlicet Petri
Baptiste, & Sociorum eius ex dicto Ordine,
quorum nempe, sex professi, ceteri vero
laici familiares, & coadjutores eorumdem
sex professorum erant, quique omnes pro
Christi nomine in Oppido Civitate nuncu-
pato Nangasacki extra muros in Regno Jap-
poniæ Cruci affixi, & transverberati fue-
runt, in Sacro Rotæ Auditorio, & deinde
de mandato nostro ab eisdem Cardinalibus,
referente dilecto filio nostro Tyberio tituli
Sanctæ Priscæ Presbytero Cardinali Muro
nuncupato discussa, censuerunt constare de
martyrio, & miraculis, ideoque ad actua-
lem illorum Canonizationem quandocum-
que deveniri posse; Superiores vero dicti
Ordinis pro eo, quem erga eosdem Marty-
res gerebant, devotionis affectu, Officium,
& Missam de illis, donec ad solemnem eor-
um Canonizationem, pro qua non solum
dictus Petrus eorumdem Fratrum nomine,
verum etiam carissimus in Christo filius
noster Philippus Rex Catholicus, ac charis-
sima in Christo filia nostra Isabella Regina
Catholica Hispaniarum, necnon universa
Civitas Manilensis, & Chinenfis, seu Ma-
chanensis, aliisque Nobis per eorum Literas
ad Nos transmissas, humiliter supplicave-
rant, deveniretur, recitari posse deside-
rabant.

Proœmium.

§.1. Nos hujusmodi supplicationibus
tunc inclinati, de eorumdem Cardinalium
consilio, ut de eisdem Martyribus, tam ab
omnibus dicti Ordinis Sancti Francisci Re-
ligiosis ubique existentibus, quam etiam
aliis ecclesiasticis, & secularibus personis
Manilensis Diocesis dumtaxat, ubi præci-
pue dicti Martyres pro Christi fide laboran-
tes valde profecerant, Officium, & Missa
de Communi plurimorum Martyrum, die
eorum Martyrii, videlicet die 5. Februarii
recitari, & celebrari respective libere, &
licite posset, & valeret, apostolica aucto-
ritate licentiam, & facultatem concessimus,
& impertivimus, prout in nostris desu-
per in simili forma Brevis expeditis Literis,
qua-

Causæ hujus
Constitut. re-
secutus.

Concessio de qua in Rubr.

quarum tenores presentibus pro expressis haberi volumus, plenius continetur.

§.2. Cum autem, sicut nomine Populi, & Cleri Abulensis Diocesis Beati Petri Baptistae, & Mexicanae Patriae Beati Philippi de Jesu ex dictis vigintitribus Martyribus praedicti Ordinis Discalceatorum, Provinciae Sancti Georgii Philippinarum hujusmodi, Nobis nuper expositum fuit, ipsi pro eo, quem erga eosdem Martyres gerunt devotionis affectu, plurimum cupiant licentiam, & facultatem praedictas per Nos, ut infra, extendi: Nos piis eorum votis hujusmodi annuere, illosque specialibus favoribus, & gratis profecti volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum harum ferie absolventes, & absolutas fore censentes, supplicationibus illorum nomine, Nobis super hoc humiliter porrectis inclinati, de eorundem Cardinalium consilio licentiam, & facultatem, Officium, & Missam de dd. Martyribus, ut supra recitandi, & celebrandi per Nos, ut praefertur, concessas, ad alias Ecclesiasticas, & seculares personas dictarum Civitatum Abulensis, & Mexicanae dicta auctoritate tenore praesentium perpetuo extendimus, & ampliamus.

Derogatio obstantium.

§.3. Non obstantibus omnibus illis, quae in dictis literis volumus non obtinere, ceterisque contrariis quibuscumque.

Fides danda transumptis.

§.4. Volumus autem, quod praesentium transumptis etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus fides ubique adhibeatur, quae ipsis praesentibus adhiberetur si forent exhibitae, vel ostensa.

Dat. die 11. Septem. 1628. An.VI.

Datum Romae apud Sanctam Mariam Majorem, sub Annulo Piscatoris, die 11. Sept. 1628. Pontificatus nostri Anno sexto.

CCLXXIX.

Revocatio Indulgentiarum, ac Privilegiorum omnium, etiam per modum communicationis concessorum Militibus, Hospitalibus, Collegiis, Capitulis, Religionibus, Societatibus, Congregationibus, & Ordinibus quibusvis, tam Mendicantium, quam non Mendicantium, ceterisque locis piis, & eorum, sive earum respective personis, audiendi secularium Confessiones, absque Ordinarii examine, & approbatione.

Privilegia omnia super hujusmodi facultate concessa revocaverat Conc. Trident. sess. 23. cap. 15. & ad secularium confessiones audiendas, ab Episcopis illos tantum admitti statuit, qui vel Parochiale Beneficium obtinent, vel per examen, aut alias idonei iudicati fuerint, vide etiam Constit. 183. Pii V. Romani. Tom. IV. Par. III. fol. 177.

Per quam ipse Pius hoc idem prohibuit Regularibus cujuscumque Ordinis, etiam Lectoribus, aut in Theologia Graduatibus. Eius autem Constitutionem reduxit ad terminos juris communis, & Concilii Tridentini Gregor. XIII. in Constitut. XV. In tanta. ibid. fol. 251. Et ad hanc materiam attende etiam Clement. VIII. Constit. CCCL. Quocumque. Tom. V. Par. III. fol. 85.

URBANUS PAPA VIII.

Ad perpetuam rei memoriam.

Cum, sicut accepimus, aliquibus Religiosis, quorundam Ordinum, seu Congregationum a Sede Apostolica indultum fuerit, ut sacramentales personarum secularium confessiones audire valeant, etiam si ab Episcopis Diocesanis ad id examinati, & approbati non fuerint; nec desint, qui temere assererent, hoc ipsum privilegium ceteris quoque aliorum Ordinum Regularium competere, ex amplissimis privilegiorum communicationibus, quas ab eadem Sede Apostolica obtinuerunt, indeque fiat, ut saluberrima Sacri Concilii Tridentini dispositio hac de re edita, funditus convellatur.

Causa istius Revocationis.

§.1. Nos huic malo opportune provisionis nostrae Ministerio obviam ire volentes, de Ven. Fratrum nostrorum Sanctae Romanae Ecclesiae Cardinalium negotiis Regularium praepositorum consilio, omnia, & singula indulta hujusmodi, audiendi secularium confessiones absque Ordinarii examine, & approbatione, quibusvis Collegiis, Capitulis, Religionibus, Societatibus, etiam Societati Jesu, Congregationibus, & Ordinibus tam Mendicantium, quam non Mendicantium, necnon Monachorum quorumcumque, etiam Sancti Benedicti, & Cisterciensis, ac etiam quibusvis Militibus, etiam Hospitalis S. Joannis Hierosolymitani, & quibuscumque Ecclesiis, etiam Patriarchalibus, & Metropolitanis, Monasteriis, ceterisque locis piis, sive eorum, & earum respective Abbatibus, Praepositis, Decanis, Magistris, Ministris, Praelatis, Prioribus, Rectoribus, etiam Generalibus, vel Provincialibus, Cappellanis, Confessariis, aut aliis quocumque nomine nuncupatis Superioribus, & personis quibuscumque, etiam quomodolibet exemptis, ac Sedi Apostolicae immediate subiectis, cujuscumque dignitatis, praeminentiae, & conditionis existentibus, & quovis privilegio munitis, & tam ad supplicationem partium, quam Motu proprio, & ex certa scientia, ac de apostolicae potestatis plenitudine hactenus quocumque, & qualitercumque ex quavis, etiam de necessitate exprimens causa, & aliis quomodolibet concessa, apostolica auctoritate, tenore praesentium revocamus, cassamus, tollimus, abrogamus, annullamus, viribusque, & effectu evacuamus, ac revocata, cassa, sublata, abrogata, & annullata, viribusque, & effectu vacua esse, & fore, nec Religionibus, Societatibus, etiam Societati

Revocatio indulgentiarum de qua in Rubrica.

Clausula praeservativa.

cietati Jesu, Congregationibus, & Ordinibus, ac Militibus praedictis, eorumque Superioribus, & personis quibuscumque posterum ullo modo suffragari, minusque illos, & illas, etiam si de iis specialis, specifica, & expressa, ac de verbo ad verbum mentio haberi foret, indultis hujusmodi uti posse.

§.2. Praesentes vero Literas, & in eis contenta quaecumque ex eo, quod quicumque in praemissis interesse habent, seu habere praetendentes, ad hoc vocati, & auditum non fuerint, de subreptione, vel obreptionis vitio, aut intentionis nostrae, vel alio quocumque defectu notari, impugnari, redargui, in jus, vel controversiam revocari, ad terminos juris reduci, aut adversus illas quocumque juris, gratiae, vel facti remedium impetrari nullatenus posse, sed illas semper validas, & efficaces existere, & fore, suoque plenarias, & integros effectus sortiri, & obtinere.

Clausula sublata.

§.3. Sicque per quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Card. etiam de Latere Legatos, & Nuntios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane quicquid secus super his a quoquam, quavis auctoritate, scienter, vel ignoranter contigerit attentari, decernimus, & declaramus.

Derogatio contrariorum.

§.4. Non obstantibus praemissis, ac quibusvis Constitutionibus, & Ordinationibus Apostolicis, privilegiis quoque, indultis, & Literis Apostolicis, Ordinibus, Societatibus, & Congregationibus praedictis, eorumque Praepositis, Decanis, Magistris, Abbatibus, Ministris, Praelatis, Prioribus, Rectoribus, & aliis Superioribus, Cappellanis, aliisque praedictis, sub quibuscumque tenore, & formis, ac cum quibusvis, etiam derogatoriis, privilegiis quoque, indultis, & in solitis clausulis, ac irritantibus, & aliis decretis, in genere, vel in specie, ac aliis in contrarium quomodolibet concessis, confirmatis, & innovatis. Quibus omnibus, & singulis etiam si, pro illorum sufficienti derogatione, de illis, eorumque totis tenore, specialis, specifica, expressa, & individua, ac de verbo ad verbum, non autem per clausulas generales, idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi praesentibus pro plenius, & sufficienter expressis, & ad verbum insertis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Transumptorum fides.

§.5. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus fides adhibeatur, quae praesentibus adhiberetur, si forent exhibitae, vel ostensa.

§.6. Quodque eadem praesentes Literae

seu illarum exempla ad valvas Basilicarum, S. Jo. Lateranen. ac Principis Apostolorum de Urbe, & in acie Campi Florae affixa, omnes ita ardeant, & afficiant, ac si unicuique personaliter intimata fuissent.

Datum Romae apud Sanctam Mariam Majorem, sub Annulo Piscatoris, die 12. Septembris 1628. Pontificatus nostri Anno VI.

Dat. die 12. Sept. 1628. An.VI.

Anno 1629. Indi. 12. Pontificatus autem Sanctissimi D. N. Papae Domini Urbani divina providentia Papae VIII. anno ejus sexto. die vero Luna octava Januarii retroscripta Litera affixa, & publicata fuerunt ad valvas Basilicarum S. Joannis Lateranen., ac Principis Apostolorum de Urbe, & in acie Campi Florae, ut moris est, per nos Franciscum Pignoccatum, & Pompejum Giranum ejusdem Sanctissimi D. N. Papae Cursores.

CCLXXX.

Quod in toto Ordine Fratrum Eremitarum S. Augustini, nulli praeter eos, quibus de jure, juxta dicti Ordinis Constitutiones de jure competit, liceat vocem in Capitulis Provincialibus habere.

De his Fratribus vide in Constitutionibus praecedentibus, & praecipue in Const. CCLII. Romanus Pontifex. Supra fol. 22. & in Const. CXXII. Romanus. Tom. V. Par. V. fol. 325.

URBANUS PAPA OCTAVUS

Ad perpetuam rei memoriam.

Aliis per fel. rec. Clementem PP. VIII. Praedecessorem nostrum inter alia accepto, quod in Provinciis Boetica, Mexicana, de Mechoacana, del Peru, del Quito novi Regni Ordinis Fratrum Eremitarum S. Augustini, aut aliquibus illarum permulti vocem in electionibus ex gratia habuerant, ex quo propter magnum vocalium numerum in Capitulis Provincialibus, ut plurimum confusiones, & perturbationes oriri solebant, idem Clemens Praedecessor ad eas omnino tollendas, ut de cetero in perpetuum in quacumque dictarum Provincialium, nulli praeter eos, quibus de jure juxta dicti Ordinis Constitutiones licebat, vocem in Capitulis Provincialibus habere, sed illi, quibus ex gratia concessa esset, voce activa omnino carerent, & ex tunc privati essent, & esse censerentur, prout ipse Clemens Praedecessor ex tunc illos, & eorum quemlibet privavit, apostolica auctoritate, statuit, & ordinavit.

Exordium.

§.1. Nuper vero Nos Motu proprio, & ex certa scientia, ac matura deliberatione nostris statutum, & ordinationem hujusmodi ad Provincias Italiae dicti Ordinis sub certis modo, & forma tunc expressis extendimus, & amplivimus, prout in ipsis Clementis praedictis, ac nostris desuper in simili

Causa hujus Constit. revocatur.

Extensio ad totam Religionem, prout in Rubr.

mili forma Brevis expeditis Literis, quarum tenores presentibus pro expressis haberi volumus, plenius continetur.

§.2. Nunc autem prospero, felicique quarumcumque aliarum dicti Ordinis Provinciarum statui, & directioni in praemissis, quantum cum Domino possumus, obviam ire volentes, motu, scientia, & deliberatione similibus, statutum, & ordinationem per Clementem Praedecessorem hujusmodi facta, & per Nos extensa, & ampliata, ut praefertur, ad universas Provincias, & Congregationes totius Ordinis praedicti, eadem auctoritate, tenore praesentium, rursus perpetuo extendimus pariter, & ampliamus, illaque in universarum Provinciarum, & Congregationum hujusmodi Capitulis Provincialibus locum habere, & sic ab omnibus ceteris, atque ita per quoscumque Judices ordinarios, & delegatos, etiam causarum Palatii Apostolici Auditores, judicari, & definiti debere, irritumque, & inane, quicquid secus super his a quoquam, quavis auctoritate, scienter, vel ignoranter, contigerit attentari, auctoritate etiam, & tenore praedictis, decernimus, & declaramus.

Contrarius derogat.

§.3. Non obstantibus Constitutionibus, & Ordinationibus Apostolicis, ac dicti Ordinis, & singularum illius Provinciarum, praedictarum, etiam juramento, confirmatione apostolica, vel quavis firmitate alia roboratis, statutis, & consuetudinibus, aliisque omnibus, & singulis, quae in dictis Literis concessa sunt, non obstante. Quibus omnibus, & singulis, illorum tenores praesentibus pro sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Transumptis credi jubet.

§.4. Volumus autem, quod praesentium transumptis etiam impressis, manu alicujus Notarii publici subscriptis, & sigillo persona in dignitate ecclesiastica constituta munitis, eadem ubique prorsus fides adhibeatur, quae ipsis praesentibus adhiberetur, si forent exhibitae, vel ostensa.

Dat. die 14. Sept. 1628. An.VI.

Datum Romae apud S. Mariam Majorum, sub annulo Piscatoris die 14. Septembris 1628. Pontificatus nostri Anno VI.

CCLXXXI.

Et Regiss. in Secret. Brev.

Facultates Visitatoribus pro visitatione Ecclesiarum, Monasteriorum &c. Urbis deputatis concessae.

URBANUS PAPA VIII.

Ad futuram rei memoriam.

Institutam a se in Urbe visitationem apostolicam refert.

§.1. Pastoralis officii nostri onus in Monasteriis, Ecclesiis, Hospitalibus, & Locis Piius Almae Urbis nostrae, eorumque bonis, juribus, personis, officialibus, & Ministris visitandis adimplere, & ut in profequendo visitationis hujusmodi munere, ad quod nonnullis ven. fratres Archie-

piscopos, & Episcopos, aliosque Romanae Curiae Praelatos, ac personas etiam regulares nominatim delegimus, ea, qua convenit auctoritate, & facultate procedatur, quantum cum Domino possumus, opportune providere volentes;

Viti tatoribus facultatem, contra quoscumque etiam in criminalibus procedendi tribuit.

§.2. Motu proprio, & ex certa scientia, ac matura deliberatione nostris, deque apostolica potestatis plenitudine Archiepiscopis, Episcopis, Praelatis, & personis ad munus visitationis hujusmodi per Nos delegatis, ut praefertur, ultra alias facultates illis per diversas nostras, etiam in simili forma Brevis expeditas Literas, quas praesentibus pro expressis haberi volumus, attributas, tenore praesentium, omnibus scilicet praedictis ad visitationem apostolicam praedictam deputatis, & pro tempore deputandis, & cuilibet eorum in solidum, ac tam conjunctim, quam divisim, in omnibus, & singulis causis eandem visitationem quomodolibet concernentibus, tam civilibus, quam criminalibus, & mixtis, earumque dependentibus, emergentibus, & connexis, etiam specialem, & individuum mentionem requirentibus, etiam per affixionem ad valvas ipsorum Monasteriorum, Ecclesiarum, Hospitalium, & Locorum Piorum, sive per Edictum publicum, & alias quomodolibet, prout eis sufficere videbitur, procedendi, ita quod processus hujusmodi omnes, & quoscumque tam laicos, quam clericos, & Sacerdotes, ac alios etiam regulares quorumcumque ordinum, etiam Cisterciensium, ac Militiarum etiam Hospitalis S. Joannis Hierosolymitani, & alias quomodolibet exemptos, ac alios quoscumque, quoscumqueque qualitates, dignitatis, status, gradus, ordinis, & praerogativa fuerint, etiam si speciali nota, & de necessitate exprimendi forent, afficiat, & arctet in omnibus, & per omnia, perinde ac si citationes, aliaeque provisiones, ordinationes, seu decreta a Visitatoribus hujusmodi pro tempore factae, seu factae, ut praefertur, in valvis Monasteriorum, Ecclesiarum, Hospitalium, seu Locorum Piorum praedictorum quomodolibet affixa, seu affixa eis personaliter intimata, seu intimata fuissent, etiam ad effectum censurarum, & suspensionis, & interdicti personarum ecclesiasticarum, Monasteriorum, Hospitalium, & Locorum Piorum praedictorum, & aliorum quorumcumque quomodolibet qualificatorum, & qualibet individua mentione dignorum, ita ut nulla Ecclesia, nullum Hospitale, nullus Locus Pius, nullaque persona censetur ab hujusmodi commissione, & facultate excepta, sed omnes, & omnia, ac singula comprehendantur, exceptis dumtaxat Collegiis habentibus S.R.E. Cardinales Protectores; quorum visitatio fieri debet juxta tenorem decreti alias in praesentia nostra facti in Congregatione de Propaganda Fide; necnon quascumque alias ecclesiasticas, ac pecuniarias, & alias temporales poenas, etiam absque eo quod cause cognitionem judicialiter assumant, infligendi, imponendi, decernendi, publicandi, & de-

Et censuras comminandi.

Exceptis Collegiis, quae habent Cardinales Protectores.

Et poenas temporales infligendi.

bita executioni demandandi, ac etiam praesentibus non publicatis, neque cuiquam intimatis, nec exhibitis, vel ostensis, ut praefertur, ad omnia, & singula praemissa, ac alia, quae sibi videbuntur necessaria, vel quomodolibet opportuna, procedendi, etiam sub privationis eo ipso incurrendae quorumcumque Beneficiorum ecclesiasticorum, ac officiorum per eos obtentorum, necnon privilegiorum, indulgentiarum, bonorum, & jurium quorumcumque per Nos, vel Romanos Pontifices Praedecessores nostros, & Sedem Apostolicam eisdem Monasteriis, Ecclesiis, seu Locis Piiis, & personis quomodolibet concessorum, necnon etiam citandi, & quoties, quando, & quibus opus fuerit, inhibendi, & contra inobedientes, & rebelles quoslibet censuras, & poenas, etiam iteratis vicibus aggravandas, interdictum ecclesiasticum imponendi, & relaxandi, & auxiliumque brachii secularis, si opus fuerit, invocandi, ceteraque omnia, & singula in praemissis, & circa ea necessaria, & quomodolibet opportuna, etiam si talia sint, vel fuerint, quae magis specialem, specificam, & expressam requirent mentionem, faciendi, dicendi, gerendi, & exequendi, omni, & quacumque appellatione, nullitatis, etiam ex tribus, diffinitione, restitutione in integrum, aliisque remediis ordinariis, & extraordinariis omnino remotis, & sublatis, attentato, quod in visitatione extrajudicialiter proceditur, & tela judicialia, vel strepitus, aut ordo judicialis non servatur, plenam, liberam, & amplam facultatem, & auctoritatem concedimus, & impertimur.

Obstantia tollit.

Dat. die 16. Septem. 1628. An.VI.

Datum Romae apud S. Mariam Majorum sub Annulo Piscatoris, die 16. Septembris 1628. Pontificatus nostri Anno VI.

CCLXXXII.

Quod Indulta concessa diversis Urbis Tribunalibus, & Judicibus cognoscendi causas criminales super delictis quarumcumque personarum privative quoad alios, non privative quoad Gubernatorem Urbis pro tempore existentem, sed cumulative cum eo concessa, intelligantur.

Hujusmodi Indulta multis Archihospitalibus, Collegiis, Capitalibus, Militariis, ac similibus concessa a diversis Pontificibus requirere in Indice, in singulis eorum nominibus.

Auctoritatem vero Gubernatoris Urbis, lege in Leonis X. Const. IX. Etsi cunctarum, Tom. III. Par. III. fol. 401. Et in Pii IV. Const. I. Cum sciat, Tom. IV. Par. II. fol. 1. Bull. Rom. Tom. VI. Par. I.

necnon Pii V. Const. CL Cum Apostolica, Tom. IV. Par. III. fol. 121.

URBANUS PAPA VIII.

Ad perpetuam rei memoriam.

DEcet Romanum Pontificem, aequi bonique supremum assertorem: si qua dubia circa constitutas administrandae Justitiae rationes oriantur, declarationis suae oraculo ita dilucidare, ut praecisa cujuscumque habitationis, sive dubii materia, unicuique quod suum est, per competentes Judices, & Ministros aequa lance tribuatur.

Exordium.

§.1. Cum itaque, sicut accepimus, varia diversis Almae Urbis nostrae Tribunalibus, & Judicibus etiam S. R. E. Cardinalibus, Protectoribus, & Collegiis, vel aliis etiam hic de necessitate exprimendis, Indulta quascumque causas criminales, vel earum aliquas super quibuscumque delictis, criminibus, & excessibus quarumcumque personarum, tam laicarum, quam ecclesiasticarum, etiam regularium, & Militiarum, etiam speciali nota dignarum privative quoad alios quoscumque cognoscendi, per Romanos Pontifices Praedecessores nostros, ac etiam Nos concessa sint.

Indulta nonnullis Judicibus concessa recentantur.

Declaratio de qua in Rubrica.

§.2. Nos debita earumdem causarum cognitioni, atque expeditioni, quantum cum Domino possumus, consulere volentes; necnon omnium, & singulorum Indulgentiarum praedictorum tenores, ac Dat. praesentibus pro expressis habentes; Motu proprio, & ex certa scientia, ac matura deliberatione nostris, deque apostolica potestatis plenitudine: Quod omnia, & singula Indulta hujusmodi non privative quoad modernum, & pro tempore existentem dictae Urbis Gubernatorem, sed cumulative cum eo concessa intelligantur, & intelligi debeant.

Clausula.

§.3. Sicque, & non aliter, per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, Camerarium, Vice-Cancellarium, Camerae Apostolicae Thesaurarium generalem, & quovis alios Officiales, & Ministros, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari, tenore praesentium declaramus, & quatenus opus sit, statuimus, decernimus, & mandamus.

Obstantium derogatio.

§.4. Non obstantibus, quatenus opus sit, regula nostra, de jure quaesito non tollendo, ac Constitutionibus, & Ordinationibus Apostolicis, necnon quibuscumque juramento, confirmatione apostolica, vel quavis firmitate alia roboratis Statutis, & consuetudinibus, privilegii quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti

T dero-